

**JAMHURI YA MUUNGANO WA TANZANIA**

**BUNGE LA TANZANIA**



**9 MEI, 2017**



# ORODHA YA SHUGHULI ZA LEO

---

## MKUTANO WA SABA

**KIKAO CHA ISHIRINI – TAREHE 9 MEI, 2017**

**I. DUA:**

**II. HATI ZA KUWASILISHA MEZANI:**

**WAZIRI WA MAJI NA UMWAGILIAJI:**

Randama za Makadirio ya Mapato na Matumizi ya Wizara ya Maji na Umwagiliaji kwa Mwaka wa Fedha 2017/2018.

**WAZIRI WA MAMBO YA NDANI YA NCHI:**

Hotuba ya Makadirio ya Mapato na Matumizi ya Wizara ya Mambo ya Ndani ya Nchi kwa Mwaka wa Fedha 2017/2018.

**MWENYEKITI WA KAMATI YA MAMBO YA NJE, ULINZI NA USALAMA:**

Taarifa ya Kamati ya Mambo ya Nje, Ulinzi na Usalama kuhusu utekelezaji wa majukumu ya Wizara ya Mambo ya Ndani ya Nchi kwa Mwaka wa Fedha 2016/2017 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2017/2018.

## **MSEMAJI MKUU WA KAMBI YA UPINZANI KUHUSU WIZARA YA MAMBO YA NDANI YA NCHI:**

Taarifa ya Msemaji Mkuu wa Kambi ya Upinzani kuhusu Wizara ya Mambo ya Ndani ya Nchi juu ya Makadirio ya Mapato na Matumizi ya Wizara hiyo kwa Mwaka wa Fedha 2017/2018.

### **III. MASWALI:**

#### **OFISI YA RAIS (TAMISEMI):**

#### **165. MHESHIMIWA SELEMANI JUMANNE ZEDI (BUKENE):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Kamati ya Ushauri ya Mkoa wa Tabora (RCC) mwaka 2014 ilikubali ombi la Wananchi wa Wilaya ya Nzega la kutaka kuanzishwa kwa Wilaya mpya ya Bukene hasa ikizingatiwa kuwa Jimbo la Bukene lina vigezo vyote vinavyohitajika kwa uanzishwaji wa Wilaya na ombi hili lilipelekwa TAMISEMI ili kufanyiwa kazi:-


Je, Serikali imefikia wapi katika utekelezaji wa maamuzi ya RCC ya kuomba uanzishwaji wa Wilaya mpya ya Bukene.

## **WIZARA YA MAJI NA UMWAGILIAJI:**

### **166. MHESHIMIWA JOSEPH KIZITO MHAGAMA (MADABA):**

Atamuuliza Mheshimiwa Waziri wa Maji na Umwagiliaji:- Miradi ya maji inayojengwa kwa ufadhili wa Benki ya Dunia katika Vijiji vya Lilondo na Maweso imekwama kwa zaidi ya miaka mitatu sasa, licha ya miradi hiyo kutumia fedha nyingi na nguvu kubwa za Wananchi:-

- (a) Je, Serikali ina mkakati gani wa kukamilisha miradi hiyo;
- (b) Je, ni lini miradi hiyo itakamilika ili kutatua kero za maji kwa Wananchi wa Vijiji hivyo.



### **167. MHESHIMIWA HASANI SELEMAN KAUNJE (LINDI MJINI):**

Atamuuliza Mheshimiwa Waziri wa Maji na Umwagiliaji:- Mradi wa maji wa Ng'apa ambao upo Manispaa ya Lindi ulikusudiwa kuwahudumia wakazi wa Lindi Mjini tangu mwezi Mei, 2015, lakini mpaka sasa mradi huo haujakamilika:-

Je, ni lini mradi huo utakamilishwa.

## **WIZARA YA MAMBO YA NDANI YA NCHI:**

### **168. MHESHIMIWA HAJI KHATIB KAI (MICHEWENI):**

Atamuuliza Mheshimiwa Waziri wa Mambo ya Ndani ya Nchi:- Serikali kupitia Jeshi la Polisi imeimarisha kwa kuweka boti kwa ajili ya Police Marine maeneo mengi ya Mito, Maziwa na hata Baharini ili kuzuia au kudhibiti ajali zinapotokea:-

Je, Serikali ina mpango gani wa kupeleka huduma hiyo katika Mikoa au Wilaya ambazo hazijapata huduma hiyo.

### **169. MHESHIMIWA ZAINAB NUHU MWAMWINDI (VITI MAALUM):**

Atamuuliza Mheshimiwa Waziri wa Mambo ya Ndani ya Nchi:- Gereza la Wilaya ya Iringa ambalo lipo jirani na Hospitali ya Mkoa wa Iringa limekuwa likisababisha usumbufu kwa Wananchi wanaotembea kwa miguu hasa Nyakati za usiku:-

Je, Serikali ina mpango gani wa kuondoa mwingiliano wa shughuli za Kijamii na Shughuli za Gereza hilo.

## **WIZARA YA KILIMO, MIFUGO NA UVUVI:**

### **170. MHESHIMIWA MARIA NDILLA KANGOYE (VITI MAALUM):**

Atamuuliza Mheshimiwa Waziri wa Kilimo, Mifugo na Uvuvi:- Serikali kupitia Ilani ya Chama cha Mapinduzi ya 2015 - 2020 iliahidi kuimarisha huduma za Ugani na mafunzo kwa kuongeza udahili wa Maafisa ugani wa uvuvi kutoka 1200 hadi 2500 kwa mwaka ili kuwepo Maafisa ugani kwa ngazi ya Kata na kuimarisha huduma za uvuvi na ufugaji samaki:-

- (a) Je, ni lini mkakati wa utekelezaji wa suala hili ambao utatoa ajira nyigi kwa Vijana utaanza;
- (b) Je, kuna mkakati gani wa kuzishirikisha Halmashauri nyingi katika kuhamasisha uchimbaji wa mabwawa na ufugaji wa samaki hasa katika maeneo yenye ukame ili kuongeza lishe bora na pia ajira kwa Vijana.

### **171. MHESHIMIWA DKT. IMMACULATE SWARE SEMESI (VITI MAALUM):**

Atamuuliza Mheshimiwa Waziri wa Kilimo, Mifugo na Uvuvi:- Sekta ya uvuvi ni muhimu kwa uchumi wa nchi, sekta hii ikiwezesha ina uwezo angalau kufikisha Tshs. 12 bilioni kama kipato kwa mwaka:-

Je, ni lini na kwa vipi Serikali itaipa kipaumbele sekta ya uvuvi nchini ili kuboresha utendaji na kuongezea nchi kipato.

**WIZARA YA UJENZI, UCHUKUZI NA MAWASILIANO:**

**172. MHESHIMIWA BONNAH MOSSES KALUWA (SEGEREA):**

Atamuuliza Mheshimiwa Waziri wa Ujenzi, Uchukuzi na Mawasiliano:- Mwaka 1995 Serikali ilifanya uthamini wa Wananchi wa Kata ya Kipawa ili kupisha upanuzi wa uwanja wa ndege Dar es Salaam ambapo baadhi ya Wananchi hao walilipwa fidia lakini kuna baadhi ambao mpaka sasa bado hawajalipwa fidia hiyo na hawajui ni lini watalipwa:-

Je, Serikali imejipanga vipi kuwalipa Wananchi hao ambao hawajalipwa ili waweze kupisha upanuzi wa uwanja.

**173. MHESHIMIWA BALOZI ADADI MOHAMED RAJAB (MUHEZA):**

Atamuuliza Mheshimiwa Waziri wa Ujenzi, Uchukuzi na Mawasiliano:- Reli ya Tanga inategemewa sana kiuchumi kwa usafirishaji wa abiria na mizigo, aidha ni kiunganishi hadi bandari ya Tanga:-

Je, ni lini Serikali itaiboresha na kuijenga kisasa kwa kiwango cha 'Standard Gauge' ili iongeze uchumi na kuleta maendeleo.

**174. MHESHIMIWA ZUBEDA HASANI SAKURU  
(VITI MAALUM):**

Atamuuliza Mheshimiwa Waziri wa Ujenzi, Uchukuzi na Mawasiliano:- Kukua kwa soko huria katika utoaji wa huduma za anga nchini kumevutia na hivyo kuimarisha sekta ya usafirishaji wa abiria na mizigo. Baadhi ya Mashirika ya Ndege yamekuwa yakitoza nauli kubwa na hivyo kuongeza mzigo kwa watumiaji:-

Je, Serikali inatoa kauli gani dhidi ya ongezeko la nauli lisiloendana na uhalisia inayotozwa na baadhi ya Mashirika ya Ndege.

**IV. HOJA ZA SERIKALI:**

**WAZIRI WA MAMBO YA NDANI YA NCHI:**

Kwamba, Bunge sasa likubali kupitisha Makadirio ya Mapato na Matumizi ya Wizara ya Mambo ya Ndani ya Nchi kwa Mwaka wa Fedha 2017/2018.

**DODOMA  
9 MEI, 2017**

**DKT. T. D. KASHILILAH  
KATIBU WA BUNGE**